

# Tunumi Ammassallup aamma Ittoqqortoormiit aqutsiveqarfiani qassusersorluni qernertanik qilalugarniartarnermi ileqqoreqqusaq

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq, § 14, imm. 5 aamma § 31, imm. 2 naapertorlugit makku aalajangersarneqarput:

## *Atuuffia*

§ 1. Ileqqoreqqusaq Kommuuneqarfik Sermersuumi Ammassallup aamma Ittoqqortoormiit aqutsiveqarfiit killeqarfiani qilalukkanut qernertanut qassusersornermut tunngavoq.

## *Qassutitik atuneq*

§ 2. Qilalukkanik qaqortanik qernertanillu piniarnermi minnerpaamik 380 mm-rinik ningartalinnik qassusersorneq taamaallaat ajornartitaangilaq.

*Imm. 2.* Qassutit atorineqartut piginnittup aqqanik nalunaaqutserneqarsimassapput.

*Imm. 3.* Akuttunerpaamik ullormut ataasiarlugit alakkarneqartassapput piniariarnerlu naammassigaangat qaqinneqassallutik.

*Imm. 4.* Qassutit minnerpaamik 200 meterinik akuttussuseqassapput.

## *Qassusersornermi killeqarfiit*

§ 3. Ammassallup aqutsiveqarfiani sumiiffiit qilalukkanut qernertanut sumiiffinni taagorneqartuni qassusersorfgeqqusaanngitsut matuma kinguliini allassimapput:

1) Kangerlussuarmi Nuliarpip kangimut nuuaniit (Avannarpassissuseq 68°27'5N Kippasissuseq 32°25'0V) akimorpiat titakkamiit kangerluup ilummut qinngua tikillugu (68°25'0N - 32°33'5V) qilalukkanut qassusersorfgeqqusaanngilaq, ilanngussaq 1-mi takutinneqarpoq.

2) Nuugaalimmi Ikaasakajip kimmuut nuuaniit (Avannarpassissuseq 67°21'0N Kippasissuseq 33°22'5V) akimut Attertivanut titakkamiit ilummut kangerluup qinngua (67°18'5N 33°31'5V) tikillugu qassusersorfgeqqusaanngilaq, ilanngussaq 2-mi takutinneqarpoq.

3) Kangeritsivatsiami Ikkartitsivamiit (Avannarpassissuseq 66°20'0N Kippasissuseq 35°37'0V) akimut titakkamiit ilummut kangerluup qinngua (66°16'0N - 35°41'0V) tikillugu qassusersorfgeqqusaanngilaq, ilanngussaq 3-mi takutinneqarpoq.

4) Sermiligaami Ilertamiit ilua'tungaaniit Immikkeertimut (Avannarpassissuseq 66°01'0N Kippa-sissuseq 36°30'0V) titakkamiit ilummut kangerluup qinngua (66°01'0N - 36°24'0V) tikillugu qassusersorfgeqqusaanngilaq, ilanngussaq 4-mi takutinneqarpoq.

5) Sermilimmi Nuuk Oqqorsip ilua'tungaaniit (Avannarpassuseq 66°14'0N – Kippasissuseq 37°42'0V) Nuuk Kiattermut titakkamiit ilummut kangerluup qinngua (66°09'5N - 37°34'0V) tikillugu qassusersorfgeqqusaanngilaq, ilanngussaq 5-mi takutinneqarpoq.

6) Isortup eqqaani Isertup Kangertivani, Immikkeertikajiip nuuaniit ilummut (Avannarpassuseq 65°40'0N Kippasissuseq 39°10'0V), Ikertivarmi Nuuaasiakajiip Iliverta (65°40'0N - 39°13'0V) nuuaniit ilummut, Immikkoortukajiip tunuaniit ilummut (65°36'0N - 39°27'5V), Uttuttuluup paavaniit ilummut qinngui tikillugit (65°33'5N - 39°37'5V) qassusersorfgeqqusaanngillat, ilanngussaq 6-mi takutinneqarpoq.

*Imm. 2.* Aqutsiveqarfik Ittoqqortoormiuni sumiiffimmi Ikaasakajik (Øfjordimik taaneqartarnikuusi-masok) Nannut Qeqertaanniit (Bjørnømik taaneqartarnikuusimasok) (71°05N - 25°30V) paavaniit akimut Aqissip Kangerdiva (Rypefjordimik taaneqartarnikuusimasok) paavata tungaanut qilalukkanik qernertanik qassusersorneq inerteqqutaavoq, ilanngussaq 7-mi takutinneqarpoq.

#### *Pineqaatissiinerit*

§ 4. § 2 - 3-mut unioqqutitsinerit Kalaallit Nunaanni pinerluttulerinermik inatsit naapertorlugu akiliisitsinermik aamma pisanik arsaarinnissuteqarnermik pineqaatissiisutaasinnaapput.

#### *Atuutilerina*

§ 5. Ileqqoreqqusaq atuutilissaaq 21.06.2013.

Kommuneqarfik Sermersuumi kommunalbestyrelsep taamatut akuersissutigivaa ulloq 17.05.2013

Asii Chemnitz Naarup

Borgmesteri

Namminersorlutik Oqartussat: Ulloq 20. juni 2013

Karl Lyberth

Aalisarnermut Piniarnermut Nunalerinermullu Naalakkersuisok

Ilanngussaq 1 - 7

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut